

CYTUNDEB PRYDAU YSGOL BLYNYDDOL -

DISGOWNT O 10%



(Mae'r cynllun hwn ar gael ar gyfer plant
ysgolion cynradd yn unig)

10% o ddisgownt i unrhyw Riant / Gwarcheidwad sy'n ymrwymo i brynu prydau ysgol bob diwrnod ysgol (190 o ddiwrnodau) a lledaenu'r gost dros 12 mis trwy ddebyd uniongyrchol. I bob diben, bydd hyn yn rhoi 19 "pryd am ddim" i chi os bydd eich plentyn yn yr ysgol bob dydd.

Telerau ac Amodau

1. Darperir prydau ysgol ar gyfer pob diwrnod ysgol pan fyddai disgwyl i ddisgyblion fod yn bresennol, (190 o ddiwrnodau fel arfer, ond gallai'r rhif hwn amrywio ddiwrnod neu ddau o ganlyniad i amseriad diwrnodau hyfforddiant mewn swydd, yn dibynnu ar ba bryd y mae'r cyfnod 12 mis yn dechrau).
2. Gall y debyd uniongyrchol ddechrau ar unrhyw adeg yn ystod y flwyddyn a bydd yn daladwy ar yr 28fed o bob mis, am gyfnod o 12 mis.
3. Bydd swm sefydlog yn cael ei ddebydu o'ch cyfrif bob mis, ond gallai'r swm newid os bydd pris pryd ysgol yn codi yn ystod y cytundeb 12 mis hwn. (Fel arfer, bydd prisiau prydau ysgol yn newid ar 1 Medi). Byddwch yn cael gwybod am unrhyw newid i'r pris a bydd eich debyd uniongyrchol yn newid yn unol â hynny; fodd bynnag, bydd eich disgownt yn parhau.
4. Bydd y swm sefydlog hefyd yn codi os yw eich plentyn yn talu'r pris babanod ar hyn o bryd ac yn newid i'r pris iau yn ystod y cytundeb 12 mis.
5. Codir tâl arnoch am bryd ar bob diwrnod ysgol hyd yn oed os yw eich plentyn yn absennol.
6. Ni chodir tâl os bydd yr ysgol yn cau oherwydd amgylchiadau annisgwyl, fel amodau tywydd gwael.
7. Dan y cynllun hwn darperir pryd wedi'i ragbecynnu ar gyfer pob trip ysgol. Bydd angen gofyn am hyn ac mae ffurflenni prydau wedi'u rhagbecynnu ar gael yn yr ysgol.
8. Mae'r cynllun hwn ar gael ar gyfer plant ysgolion cynradd yn unig.
9. Os byddwch yn canslo'r debyd uniongyrchol cyn i'r cytundeb 12 mis ddod i ben, bydd y pris llawn yn cael ei godi am bob pryd a geir.
10. Bydd y cytundeb yn parhau'n benagored hyd nes yr hysbysir fel arall.
11. Os byddwch yn ymuno â'r cynllun hwn, ni fydd hawl gennych ymuno â chynllun y disgownt teuluol.